

5/63

A NOS EMIGRANTE

Col cher che vaa ma la legrema tegnuda;
nos emigrante le per partir
la neif sin vâ, ven prest daisuda,
e dant dall'invern el no podara vegnir.

El no vâ nience tant lontan,
appena le Alpi el pasarà,
ma el no sarâ piû sun sò soulo talgïan,
e da sò pais de tost dalenc assà.

Magari el todesch el sa pech parler
e el lurger senester proprio assà,
giusta che de piû se pel vadagner,
ma da foresto le pa semper trattâ!

"O Svizzerâ, o Germania, o Francia,
perchè este si salâ un toch de pan?
mel vadagne, no te domane nia de mancia.....
.....Voeme ben, se ence che son talgïan!

El veit dapò l'istâ, che la e bella daperdutt,
ma piû bella òe pa chela de sò pais!
Oh, canche el vegnissa, ence in pe nut....
chest el se peisa e el la scritt sul vis!

Ma el ven chel dâ che el pel torner
dò che el mencia da tenc de meis
per si bosc, per sia crepes indò varder,
veder sò ciel, sentir sia Weiss.



No ge sà nience tant bel sorege,
 sun chel terren che no le sò,
 e dant dal temp el doventa vâgie.....
 Ma per rinsovanir canche le chiò

Che el veit sò pere o la morosa,
 una sor oppur na fia,
 o na mere amorosa,
 che lo spetta a ciesa sia!

El Gottardo o el Sempion,
 per in chel dì che el ven, no fenes pa più
 el cher ge bat sun chel vagon.....
 Ma le pasà....Ela fenestra el tira sù.

Le sun sia terra, le te sia Patria,
 dut le più bel dintorn d'amor;
 ge per de respire ~~er~~ più bona aria,
 el veit sòs sorege semper de or!

Dai egn e dalla struscies, un muge sturteda,
 le na piccola femena apede fregoler,
 tant che l'ha spettà chela bella giorneda!.....
 indò veder chel sò tous, poderlo sbraccioler!

E chela legrema che sot la cea tant un pez la e stat,
 ades la bagna della mere chel sent vis.....
 le doi mans insem, le doi cheres che bat.....

 Che bel te sia Patria, che bel te sò pais!